



57. KOMISIJA O STATUSU ŽENA

16 DAYS OF ACTIVISM AGAINST GENDER VIOLENCE
16 DÍAS DE ACTIVISMO CONTRA LA VIOLENCIA DE GÉNERO
16 JOURS D'ACTIVISME CONTRE LA VIOLENCE DE GENRE
25 NOV - 10 DEC <http://16dayscwgl.rutgers.edu>



Uklanjanje i sprečavanje svih oblika nasilja protiv žena i djevojčica

Šta je Komisija o položaju žena?

Komisija o statusu žena (CSW) je funkcionalna komisija Ekonomskog i socijalnog savjeta Ujedinjenih nacija (ECOSOC). Komisija je uspostavljena 1946. godine, i predstavlja glavno globalno tijelo kreiranja javnih politika koje je isključivo usmjereno na ravnopravnost polova i unaprjeđenje položaja žena. Cilj CSW-a je da ECOSOC-u priprema preporuke i izvještaje u oblasti promoviranja ženskih prava u političkoj, ekonomskoj, građanskoj i obrazovnoj oblasti. Svake godine, predstavnice zemalja članica se okupljaju u sjedištu Ujedinjenih nacija u Njujorku da evaluiraju napredak u oblasti ravnopravnosti polova, identifikuju izazove, uspostave globalne standarde i formulišu konkretne politike sa ciljem promoviranja ravnopravnosti polova i osnaživanja žena širom svijeta.

Ključni rezultat Komisije o statusu žena su dogovoreni zaključci o prioritetnim temama koje su uspostavljene na godišnjem nivou. Dogovoreni zaključci sadrže procjenu napretka, prepreke i izazove, te specifični set konkretnih preporuka za akciju od strane vlada, međuvladinih tijela i drugih institucija, aktera civilnog društva i drugih relevantnih zainteresovanih strana, koje trebaju biti realizovane na međunarodnom, nacionalnom, regionalnom i lokalnom nivou. Osim dogovorenih zaključaka, Komisija takođe usvaja brojne rezolucije o različitim problemima u oblasti ljudskih prava. Godišnji izvještaj Komisije se podnosi Ekonomskom i socijalnom savjetu UN-a na usvajanje.

57. sjednica (2013. godine)

Pedeset i sedma sjednica Komisije o statusu žena će se održati u sjedištu Ujedinjenih nacija u Njujorku od 04. do 15. marta 2013. godine.

Prioritetna tema ove sjednice CSW-a će biti **uklanjanje i sprečavanje svih oblika nasilja protiv žena i djevojčica**. Specifični fokus će uključivati primarnu prevenciju i multi-sektorske odgovore na potrebe žena i djevojčica koje su preživjele nasilje. Tema za razmatranje će biti ravnopravna podjela odgovornosti između žena i muškaraca, uključujući pružanje podrške u kontekstu HIV-a/AIDS-a. Za više informacija o temi za razmatranje, vidi dogovorene zaključke 53. sjednice Komisije o statusu žena, na sljedećem linku:

<http://www.un.org/womenwatch/daw/csw/agreedconclusions.html#53>.

Više informacija o 57. sjednici Komisije možete naći na sljedećem linku:

<http://www.un.org/womenwatch/daw/csw/57sess.htm>.

Kako se možemo uključiti?

Organizacije mogu posjetiti internet stranicu Komisije o statusu žena za više kontinuiranih informacija o tome kako mogu učestvovati u pripremama i aktivnostima Komisije o položaju žena. Akreditovane nevladine organizacije u dobrom stanju sa Ekonomskim i socijalnim savjetom Ujedinjenih nacija (ECOSOC), mogu odrediti predstavnice/ke za učešće u godišnjim sjednicama i mogu dostaviti pisane izjave Komisiji o statusu žena. Nevladine organizacije koje imaju konsultativni status pri ECOSOC-u mogu poslati predstavnice/ke za učešće u otvorenim službenim sastancima Komisije o statusu žena (CSW).

Više informacija je dostupno na <http://www.un.org/womenwatch/daw/csw/NGO.html>.

Translation provided by United Women Banja Luka

<http://www.unitedwomenbl.org>

